

**AKHBAR : KOSMO****MUKA SURAT : 15****RUANGAN : NEGARA**

DZULKEFLY (tengah) menyaksikan pertukaran dokumen kerjasama antara Kamarul Zaman (dua kanan) dengan Pengarah Eksekutif Econsave, Lai Sia Ling (dua kiri) pada majlis pelancaran dana Medical4Gaza Econsave- MyCare di Bandar Puncak Alam semalam.

## Kempen Medical4Gaza sasar kutipan RM3juta

KUALA SELANGOR - Pertubuhan bukan kerajaan (NGO), Humanitarian Care Malaysia Berhad (MyCare) dengan kerjasama pasar raya Econsave Cash and Carry (Econsave) semalam melancarkan tabung kempen Medical4Gaza untuk disalurkan kepada rakyat Palestin.

Ketua Pegawai Eksekutif MyCARE, Kamarul Zaman Shahru Anwar berkata, tabung itu diwujudkan bagi membantu lebih 7,000 rakyat Palestin yang cedera akibat kekejaman rejim Israel dan masih menunggu untuk mendapatkan rawatan pembedahan dan perubatan di Semenanjung Gaza.

Beliau berkata, bantuan seumpama itu kini menjadi keutamaan organisasi itu

berikutnya terdapat kelurangan bekalan perubatan selepas serangan *'The Great Return March'* lalu.

"Hospital-hospital di Gaza mengalami masalah kekurangan bekalan perubatan dan tidak mampu memenuhi keperluan mangsa cedera yang terlalu ramai," katanya di sini semalam.

Beliau berkata demikian selepas Majlis Pelancaran Dana Medical4Gaza Econsave-MyCare yang dirasmikan Menteri Kesihatan, Datuk Seri Dr. Dzulkefly Ahmad.

Turut hadir; Timbalan Menteri Kesihatan Gaza, Dr Ahmed Al Khodary; Pengarah Kesihatan Selangor, Datuk Dr. Khalid Ibrahimi; Ketua Pegawai Eksekutif My-

Care, Kamarul Zaman Shahru Anwar dan Pengurus Besar Econsave Cash and Carry, Mas Imran Adam.

Kamarul Zaman berkata, orang ramai yang ingin menyulurkan sumbangan boleh berbuat demikian menerusi akaun Maybank 551575004299 atau CIMB Islamic 86021385592 atas nama MyCARE.

"Kita menasarkan kutipan tabung ini berjumlah RM3 juta sehingga tahun hadapan," ujarnya.

Sementara itu, Mas Imran berkata, pihaknya turut menyediakan tabung di semua cawangan Econsave dan orang ramai boleh menghulurkan sumbangan itu terus kepada tabung berkenaan selain di akuan MyCare," jelasnya.

**AKHBAR : KOSMO**

**MUKA SURAT : 16**

**RUANGAN : NEGARA**

## Doktor pakar serta misi kemanusiaan layak dapat cuti

**KUALA SELANGOR** – Doktor pakar di hospital kerajaan akan diberikan kelonggaran khas jika mereka ingin menyertai misi kemanusiaan ke Gaza, Palestin bersama badan bukan kerajaan (NGO).

Menteri Kesihatan, Datuk Seri Dr. Dzulkefly Ahmad berkata, mereka akan diberikan cuti tanpa rekod selama dua minggu, namun kelonggaran khas itu hanya diberikan jika mereka mengikuti misi itu bersama NGO yang diiktiraf dan berdaftar.

“Kami sememangnya ada polisi iaitu doktor-doktor terutamanya doktor pakar bedah boleh mengambil cuti tanpa rekod bagi menjalankan misi, tetapi ia mestilah mengikuti misi bersama NGO yang diiktiraf seperti Humanitarian Care Malaysia (MyCare).

“Mereka boleh mengambil cuti tanpa rekod selama dua minggu untuk bersama-sama NGO menjalankan misi ini dan seperti yang kita maklum, keadaan di Gaza sendiri lebih 6,000 pesakit menunggu untuk mendapatkan segera rawatan dan pembedahan,” katanya.

Beliau berkata demikian pada sidang akhbar selepas Majlis Pelancaran Dana Medical4Gaza Econ-Save-MyCare di sini semalam.

AKHBAR : SINAR HARIAN

MUKA SURAT : 10

RUANGAN : NASIONAL

## Cuti tanpa rekod 14 hari

KUALA SELANGOR - Kementerian Kesihatan memberi kelonggaran kepada doktor perubatan kerajaan, khususnya pakar bedah untuk mengambil cuti tanpa rekod bagi menjadi sukarelawan dalam misi kemanusiaan ke negara bergolak.

Menterinya, Datuk

Seri Dr Dzulkefly

Ahmad berkata, kelonggaran itu diberikan kerana

kementerian mempunyai dasar membenarkan kumpulan profesional berkenaan bercuti 14 hari bagi menawarkan khidmat kepakaran mereka kepada golongan memerlukan.

"Secara prinsipnya, kita ada dasar membenarkan mereka ambil cuti tanpa rekod bagi tujuan tersebut, malah telah menjadi antara prosedur operasi standard (SOP) kita dalam perkhidmatan."

"Namun, mereka mesti bergerak menerusi pertubuhan bukan kerajaan (NGO) berdaftar dan diiktiraf kerajaan," katanya selepas melancarkan 'Tabung Medical4Gaza' anjuran Humanitarian Care Malaysia (My-CARE) dan pasar raya Econsave Cash and Carry, di sini, semalam.

**MISI  
KEMANUSIAAN**

**AKHBAR : Sinar Harian****MUKA SURAT : 16****RUANGAN : NASIONAL**

## **Chikungunya meningkat dua kes**

**SHAH ALAM** - Jumlah terkini kes chikungunya dilaporkan meningkat menjadi 25 kes, berbanding 23 kes direkodkan di Tanjung Sepat, Kuala Langat sejak 29 Januari lalu.

Menteri Kesihatan, Datuk Seri Dr Zulkefly Ahmad berkata, laporan terkini menunjukkan peningkatan dua kes, namun kesemua pesakit dilaporkan stabil.

"Sehingga kini, jumlah kes terkumpul ialah 25 orang melibatkan 22 kes disahkan positif melalui laporan makmal iaitu saringan ujian serologi yang dijalankan.

"Manakala tiga kes lagi melalui pengesahan epid link. Kesemua pesakit menerima rawatan sebagai pesakit luar dan tiada kemungkinan ke hospital," katanya.

Menurutnya, aktiviti pengesanan kes masih aktif dijalankan terhadap penduduk setempat, manakala tindakan kawalan dan pencegahan dilaksanakan sehingga kini.

"Aktiviti kawalan dilaksanakan setiap hari melibatkan 649 rumah yang berada dalam radius kawasan pemusnahan tempat pembiakan aedes.

"Sebanyak 1,740 rumah disembur asap kabus, bagaimanapun semburan ini hanya memusnahkan nyamuk dewasa sahaja. Larva dan pupa nyamuk aedes perlu dibasmi dengan kaedah lain," katanya mengulas laporan terkini kes chikungunya di negeri ini selepas wabak itu mula dikesan di Kuala Langat, ketika hadir merasmikan Majlis Pelancaran Dana Medical4Gaza Econsave bersama MyCare di Econsave Alam Jaya, semalam.

Beliau berkata, maklumat mengenai kes chikungunya itu telah dipanjangkan ke peringkat kerajaan negeri dan kepekaan turut diberikan kepada fasiliti kesihatan kerajaan serta swasta supaya meningkatkan kesiapsa-  
gaan pengesanan kes baharu.

**AKHBAR : UTUSAN MALAYSIA****MUKA SURAT : 11****RUANGAN : DALAM NEGERI**

# Cuti tanpa rekod doktor sertai misi kemanusiaan ke Gaza

**KUALA SELANGOR 10 Feb.** - Ke-longgaran khas iaitu cuti tanpa rekod selama dua minggu akan diberikan kepada doktor pakar di hospital kerajaan yang ingin menyertai misi kemanusiaan ke Gaza, Palestin bersama pertubuhan bukan kerajaan (NGO).

Bagaimanapun, jelas Menteri Kesihatan, Datuk Seri Dr. Dzulkefly Ahmad, mereka yang memohon cuti tanpa rekod itu hanya diberikan sekiranya mengikuti misi bersama NGO yang diiktiraf dan berdaftar sahaja.

"Sememangnya terdapat polisi setiap doktor-doktor terutamanya pakar bedah boleh mengambil cuti tanpa rekod bagi menjalankan misi, tetapi ia mestilah mengikuti misi bersama pertubu-

han yang diiktiraf seperti Humanitarian Care Malaysia (MyCare).

"Mereka boleh mengambil cuti tanpa rekod selama dua minggu untuk bersama-sama NGO menjalankan misi ini. Malah, kita sedia maklum bahawa keadaan di Gaza lebih 6,000 orang pesakit menunggu untuk mendapatkan rawatan pembedahan dan rawatan segera," katanya.

Beliau berkata demikian kepada pemberita selepas merasmikan Kempen Medical4Gaza di Econsave Alam Jaya, di sini hari ini.

Yang turut hadir, Ketua Pegawai Eksekutif MyCare, Kamarul Zaman Shaharul Anwar; Pengarah Eksekutif Econsave, Lai Sia Ling dan Pengurus Besar Pasaraya Econsave Cash and Carry, Mas Imran Adam.

**DZULKEFLY AHMAD**

Dalam perkembangan berasingan, Dzulkefly berkata, kementeriannya telah merekodkan seramai 25 individu menghidap penyakit Chikungunya di negeri ini sehingga 8 Februari lalu.

Jelasnya, hasil pemeriksaan sejak wabak itu diisyiharkan sejak 31 Januari lalu, 22 kes disahkan melalui ujian makmal sama ada ujian serologi atau PCR manakala tiga kes melalui pengesahan epid link (ujian mingguan).

"Antara tindakan kawalan dan pencegahan diambil untuk pemusnahan tempat pembiakan (PTP) aedes melibatkan 649 buah rumah selain sebanyak 1,740 rumah telah dibuat semburan kabus.

"Bagaimanapun, kesemua kes berada dalam keadaan stabil yang mana mereka mendapat rawatan pesakit luar dan tiada kemasukan pengesanan kes masih aktif dijalankan dalam kalangan penduduk setempat," ujarnya.

AKHBAR : THE SUN

MUKA SURAT : 2

RUANGAN : NEWS WITHOUT BORDERS

## 22 tested positive for Chikungunya

■ BY SYED DANIAL SYED AZAHAR  
newsdesk@thesundaily.com

**SHAH ALAM:** A total of 22 people have tested positive for the Chikungunya virus among the 25 reported cases in Tanjung Sepat, Selangor.

Health Minister Datuk Seri Dzulkefly Ahmad said 22 people were found to have the virus through laboratory test while three others also showing the symptoms of Chikungunya tested negative.

"All patients are stable and are receiving outpatient treatments and not admitted to the hospital," he said at a press conference yesterday.

"Control activities were conducted daily with the total number of activities for the destroying of mosquito breeding grounds near

649 houses. A total of 1,740 houses were also fogged."

Earlier, Dzulkefly officiated the Medical4Gaza campaign that was organised by the Humanitarian Care Malaysia (MyCare) with Econsave Cash and Carry.

The campaign was to raise RM3 million by April to help treat 2,400 Palestinians who were injured by Israeli attacks in the Gaza strip.

MyCare CEO Kamarul Zaman Shaharul Anwar said there is a shortage of medical supplies in Gaza.

"At least 249 Palestinians have been killed by the Israeli military since March last year," he said.

Kamarul said MyCare were able to enter Gaza last year and has identified more than 7,000 patients waiting for immediate surgical treatment.

He said the hospitals lack the



Econsave executive director Lai Sia Ling (third from left) presents a mock cheque to Kamarul (third from right) as Dzulkefly looks on at the launch of the Medical4Gaza campaign yesterday. — **BERNAMAPIX**

latest medical equipment and are in need of specialists.

"When we visited one of the hospitals, they only had the basic equip-

ment, too outdated to carry out surgeries."

MyCare plans to send over 60 specialists physicians from Malaysia.